


明清以來公藏書目彙刊

本社古籍影印室 輯 北京圖書館出版社

8






明清以來公藏書目

彙

本社古籍影印室 輯 北京圖書館出版社
MINGQINGYILAIGONGCANG
SHUMHUIKAN

8

刊



外交部圖書處 編

外交部藏書目錄
七卷

民國五年（一九一六）鉛印本

第八冊目錄

外交部藏書目錄·····	一
外交部藏書目錄二編·····	二八一
教育部圖書目錄·····	四七一

外
資
器
藏
書
目
錄

外交部藏書目錄序

周官外史掌四方之志三皇五帝之書小行人掌邦國賓客之禮籍而萬民利害禮俗刑政以逮凶荒康樂各爲一書蓋外史與行人職雖不同無不有資於書以通知古今中外而爲政令措施之準書之有益於國家如此今之外部古外史行人職也部舊有書數百種自總署建置之初徵方志於各省同文館既開復以道光間俄皇所贈書六百餘冊移置其中先後主持譯署者若董尚書恂張學士佩綸袁太常昶皆留心掌故孳孳不倦以故日積月累所收寢多雖不足語於藏書之府要亦可謂急所先務者矣庚子之變故書舊本什失六七其存者又或委棄於陰房敗簾之間典守者問無以應則諉之於兵燹歸安胡公爲侍郎日始設儲書處於新公所小樓辛壬以後清

釐舊籍稍稍整理又以曩者所印方略會典存儲頗多乃擬爲交換之法先試之於各省官書局自崇文外咸有應者所得或一書數部則分庋清華俄文兩校供諸生覽觀繼又推於歐美各國比國公使首先贊同會戰禍作不果其交換所無而爲藏書不可缺者量其價值分期購之凡歷代典章公私撰述事涉於狄鞮義歸乎治理罔不采摭而洋文書之切要者自駐使館員逮乎考察游歷之吏有所購求輒以相屬美國斯密沙甯院夙有交換之約所餉尤多時日既久漸成鉅觀於是拓小樓旁舍爲藏書之所州居部別董以專員立章程嚴考核以卷帙之繁而檢閱之不易也仿四部之例而增益之爲書目七卷洋文圖書各自爲類凡英俄德法日本文書目各一卷編次既竟則進所司而語之曰公家圖書其保守難矣不謹儲藏則有塵封蠹蝕

之患不勤檢點則有散失毀損之虞謹日勤矣而不能持之以恆則雖完善於一時而終不能常聚而不散雖然今茲所藏視四庫全書及東西各國公家圖書館蓋不能得其百一學理日出事變日繁是區區者遂足極古今中外之變而盡古者外史小行人之職也乎諸君勉之矣保其所已有而更求其所不逮是舉也圖書處居君之敬程君大煥劉君孚淦分任其勞而文書科科長許君同莘實終始其事例得備書中華民國五年五月上海曹汝霖序

其間不少最現由圖書與印件之錯舛作大勢應係年譜食於其後而多誤
於文辭而語古言義亦小計之也如近年所刊之書其間亦有誤
字或誤而書不誦得其旨一小誤口內寧寧口不寧寧其言雖多誤而之
其一二而終不誤其意而之其意而之其意而之其意而之其意而之其意而之
其意而之其意而之其意而之其意而之其意而之其意而之其意而之其意而之

外交部藏書目錄凡例

一是編著錄皆經見之書通行之本而諸本之中尤以有關典制者爲多蓋職掌所在期足備參考而止不獨與石渠鴻秘體例迥殊亦與教育圖書範圍各異其無關職掌而一體收集者類得之互換捐贈間有購求聊存一格衡以七略九流幾於百不逮一取義既別庶無譏焉

一是編之作意在便繙閱免散亡故新舊兼收鉅細並蓄比於典書掌固但求按籍可稽至如考訂異同別擇真僞則讀書之志敏求之記待之其人非典守者所常有事然卽此一編已經數手稿成復改至於六七猶虛見聞寡陋舛錯良多雅宏達幸加糾正

一諸書編次自當以四庫提要爲準惟輿地之學昔略今詳是編於志乘圖

經前人著錄原隸史部者概沿其舊其新出地圖別爲圖部以符左圖右書之例又叢刻書籍學古堂書目分隸四部各以類從化整爲散罕靡割裂茲別爲叢書部若雖係叢書而義有專屬如說經考地之類仍入本門竝詳列書名以便檢閱其無類可歸或原非定本及祇效用一時而又不便棄置者則爲附錄

一前人書目有卷數冊數竝載者有祇記卷數不及冊數者是編主於保存力求詳悉先卷數次冊數次撰著姓名次出版年月次版本種類原書無卷數者以一冊爲一卷舊係殘缺及存在他處者均注於本書之下年月無考者闕之

一著書年代昔人標題不同如元詩選以遺山冠首而遺山集四庫題金元

好問撰自是知人論世之義是編於亭林黎洲船山諸集皆書曰明同時
遺老例亦視此至西洋教士以漢文著書如南懷仁湯若望之屬雖當時
服官中朝而舊題皆書某國人撰自應仍舊以昭核實

一洋文書籍爲數至夥且所收多尋常印本中惟俄文書八十餘冊爲道光
二十五年俄羅斯所贈原書三百五十七種都七百餘冊舊存理藩院咸
豐八年以輿地圖畫之書四十一種進入內廷餘移置方略館同治八年
復移置總理衙門數十年來殘毀略盡竭力搜羅所得止此爰付重裝以
備典故此外續有收藏均分國分類各自爲編旁注譯文藉便省覽年來
於此一事屢經設法擴充而經費支絀終未能廣爲購置閱覽鉅觀埃諸
異日

一是編一再校印致歷多時往往一卷印竣復有所得茲附補遺於每卷之後他日積書漸富當爲綴目以鑒閱者

一圖書處保存互換之法具見於上年部訂章程同時並有徵求外交同人著作略例及互換書籍規則兩種一以通懷舊之情一以廣求書之路茲一併載入以明職守且俟方來一附錄入內以爲參考

外交部藏書目錄目次

卷首

部飭 章程

卷一

經部

卷二

史部

卷三

子部

卷四

集部

卷五

叢書部

卷六

圖部

卷七

附錄

附

徵求外交同人著作啓并徵書略例

外交部互換書籍暫行規則

外交部飭第五十五號

本部舊有藏書原爲辦公參考之用年來與各省官書局陸續互換並隨時酌量添購業已粗具規模惟公家書籍不難於購求而難於保管茲特訂定圖書處章程二十四條頒布遵守此事責成該處管理員切實奉行並著文書科科長隨時稽查勿得始勤終怠至閱書借書各員亦宜各加護惜借取書籍務須如期交還儻有損失卽由管理員照章通知賠補以重公物切勿通融遷就致有散佚是爲至要此飭

中華民國四年十一月十一日

外交總長陸徵祥

外交部圖書處章程

第一條 本部設圖書處存儲中外圖書附屬於總務廳文書科